

法身三世貫諸方，一體圓明本自強，我固無生誰便老，時空任運壽無疆。

### 用黃楊白菜有感

禪家樂事在安恬，嬾向生涯計米鹽，孰謂清齋無美味？凝霜白菜有真甜。

### 大禮拜

晨朝大禮磕長頭，全體佛陀隻眼收，空性敞開緣起境，菩提大願一時酬。

### 輕鬆

老來執著更輕鬆，萬事明知總是空，此去蓮邦程已半，隨緣說法振宗風。

### 除夕拜懺

定裏雖參清淨禪，關中也見普門賢，閒居斗室猶難免，且替旁人懺罪先。

### 餐次

蛋麵還須有好湯，新鮮且帶綠葱香，人間口腹誰都曉，未若參禪滋味長。

### 即事

執著輕微壇似影，智慧開發體如光，菩提不是誰相贈，入扣絲絲有義方。

### 有感二首

雪山雖現前，綿互路三千，也應飛峰頂，摩天一舉拳。

獨自倚欄杆，預期桃李歡，春初數點雨，猶帶臘梅寒。

### 欣厭觀

三聖歡迎欣者先，休疑亂破古人傳，除非切念娑婆苦，縱令千聲未有緣。

### 不放逸

雖然短到一分鐘，未肯犧牲放逸中，手上法輪唇上咒，行雲流水見心空。

## 偶感

細柳蟬鳴發妙音，從無奢望獲知心，晴空自喜身輕快，不似啣泥拍水禽。

## 訪問者錄音有感

無端一帶刻音波，聞說禪家影響多，約我殷勤猶未去，小參遙播遍娑婆。

## 丹方

窮人到處有丹方，蛛網取來可治傷，記得吾師親示訣，隨拈百草可療瘡。

## 供花功德

供養虔誠恩澤長，拋時痛念法無常，存心事佛般般好，水月空花理自彰。

## 不低頭

禪宗見地勝千籌，俗士無由與共謀，夾脊難關常運動，老來依舊不低頭。

杜門謝客

猝爾逢人豈一身？同來惡鬼或邪神，  
妖氛細菌殊難見，謝客孤居避俗塵。

長壽

長壽何須藥物功？金丹未就已歸空，  
自從修習人無我，不在閻羅支配中。

好事

古德常言不若無，何須好事亂心乎？  
看來一碧長空裏，再會風雲也故吾。

斷食二首

一粒如吞天地寬，趙州獨齒未嫌單，  
忙中別有精微訣，心不閒時勿用餐。  
關居卅載自心甘，救度無能積內慚，  
訪客蟬聯忘午飯，始知枵腹也堪談。

癡眠

參得大癡一味禪，身如白紙臥青氈，更無輾轉相思事，才即枕頭便入眠。

### 喜美國友人已購加州龍王吉地

專心致力廣弘揚，不用求謀到道糧，天竺將遭紅色變，金山已遇佛壇場。

### 無死吟三首

樂到閻羅怒目收，空超法界絕追求，三時一瞬無虛過，獄卒安能阻大猷？  
罪淨輕盈似影身，常居夢幻四時春，舒融法界收無跡，何處閻羅步後塵？  
入息無緣攀妄想，出聲不復有之無，悄然寂寂離來去，何處閻羅可得乎？

### 淨土亦不易修六首

十念修來縱不艱，當知欣厭幾重山，忙中喚佛三千句，一涉人情又轉還。  
古來淨土號時宗，要趁臨終恰好逢，頂得初心飛快去，紅塵一念又無蹤。  
試問誰非早熟機？初心一念豈能飛？紅塵久陷欣求淺，憶萬行人幾個歸？

開眸只見老油籬，日日糊塗念佛陀，五濁深泥離不得，佛田億萬最難過。  
順境行人事更艱，惟知極樂在人間，臨終那有欣求力，可惜彌陀空手還。  
人間事事只真如，堅執定型反自愚，江上煙波風似在，松間月影有還無。

### 即事

世事當如蜻點水，工夫必似蝶搜紅，金迷紙醉難成就，換骨脫胎始奏功。

### 念佛

一句彌陀總動員，資糧直送法身邊，慈悲不退蓮花位，也作娑婆救渡船。

### 書法

搏搏直上如潮湧，陣陣揮來似電馳，奧義蘊藏三十載，筆鋒橫掃十方癡。

### 夢天鯉纏身

天衢躍出一條魚，左轉纏身七尺餘，潔白空靈誰所變？禪房直入共真如。

## 何須著死急

何須著死急？坦蕩常沖挹，一念三時圓，虛空無等級。

## 出關飛美弘法

轉瞬關居廿五年，恍如茶熟一杯然，群星閃耀今宵後，曉日明朝熱普傳。

## 誦《金光明經》天轉晴明

傾盆已落兩三天，氣象臺君報再延，唸誦金光明幾卷，當空旭日照中邊。

## 謝天公新流瀑布

誠知我祇愛松巒，景物新裝又一端，應謝天公連日雨，流成瀑布大家觀。

## 美國里克夫人曾學中文，粧次囑口占，立應之

臨粧對鏡互相期，傅粉揚眉各有姿，半老徐娘心得樂，風流不讓少年時。

### 上山爲普賢王如來壇城奠基石二首

細雨喜來龍，撥雲日出東，雙鴉傳梵語，古佛三聲空。

烏鴉之聲「啞」即梵語阿字，即空性義。

大地一蓮花，高空密合嘉，乾坤占泰意，佛運正堪誇。

### 答澄基問進境

慈悲智慧步先賢，愧未飛昇達九天，不是其中心得樂，何能禁足廿餘年？

### 看畫集次

吾今也是畫中人，落得當時興趣新，大好心靈能轉變，三時萬象返天真。

### 訪禪友二首

城裏竹林也似麻，白蘭樹下有禪家，行吟遶道新街後，老友相迎已治茶。  
街頭廣大絕纖塵，深院高樓草自春，車水馬龍多醉意，卻難得見有閒人。



## 晚霞

千鈞氣勢逞雄風，揮出筆鋒一陣空，誰向高天塗幾片？  
晚霞渲得醉顏紅。

## 緩行

曉起松林且緩行，花香鳥語不曾驚，從無目的存心意，只步溪流激石聲。

## 開光

不用加持頌吉祥，大悲恩德本無疆，如來藏在人心裏，長保空靈便有光。

## 無死身

大時包裹虛空外，小後分存微子中，十世圓融無界限，教從何處說臨終？

## 念佛當如念母

念佛如同念母時，鼻酸淚落不能支，總因相別殊長久，恨不投懷永抱之。

### 無死吟

智慧將身已化光，五陵何處可埋藏？隨緣顯現如虹彩，死主從無捉影方。

### 醒中夢

一夢娑婆五十年，至今猶在夢中眠，直須常具智悲眼，夢裏逍遙度有緣。

### 定境

如龜六縮住盤中，氣已調柔心已融，放出主人虛本位，光明透徹水晶宮。

### 見自身影白色感而賦此

坦坦無欺不著跡，多番直證秋空碧，如來大日喜光臨，照見心純影也白。

### 行持

明體爲身咒是言，大悲心地酬師恩，行持朝暮無間斷，覺海淵深由此源。

## 夜色

淒淒夜色月分明，一味安恬百體輕，不用修持心自定，寂寥啼破子雞聲。

## 供養心

明空長點九霄月，妙樂齊鳴四野禽，窮人但恐無誠意，到處堪存供養心。

## 歷歷

小巧希夷微，迂回顧鑒咦！當機超體用，歷歷無委蛇。

## 偶感鹿呈巴壺天教授喝正

解會河中直注思，終無大死一回時，聰明幾個能呆幹？剩得人傳幾首詩。

## 癡眠

最難調伏是愚癡，鬧盡鐘聲不自知，夢裏何嘗都警覺？眠光乍顯不多時。

## 豎西藏經旗

印遍經文出大雄，疏疏彩帛立高空，是誰無鼻不堪吸，浩浩滿天智慧風。

## 即事

時逢有佛急跳過，無佛洞中活鬼窠，放下二邊何處去？五臺山下禪婆。

## 供花有感二首

聞說萬般隨識變，常觀玉體如親見，也曾緣想供身壇，未知何日成家眷。  
縱難降格親相見，應託良緣成久戀，選供名園妙色香，不看人面看花面。

## 偶感

閻王不易拘魂去，光佛也難伸手來，不在聖凡圈子裏，一張布袋任徘徊。

## 長壽訣

支持朽屋有菩提，欲令群生與佛齊，殊勝因緣常不斷，還依大事續生機。

### 細點瑜伽觀

安排小佛會成壇，別置杯盤刮目看，恰似街頭兒女戲，誰知細點瑜伽觀。

### 散亂緣

到此休嫌散亂緣，常因玩具入深禪，多餘智慧雖無用，贏得新詩又一篇。

### 三世

今日明朝之昨日，今宵昨夕之明宵，悠悠遠古從何起？互互未來不用超。

### 偶感二首

神通變化不爲高，空性悲心是脂膏，染污緣中須配合，賢凡只隔一分毫。  
姑求佛曉不求人，幾個人能了一真？悲智工夫休自騙，舉頭三尺有天神。

詩稿

檢點殘稿偶得之，又逢初集未編詩，當年捉取新生趣，今日讀來一樣癡。

開鐘

經天日月有常程，萬古悠悠一至誠，夜課雞聲才唱罷，又開明日鬧鐘鳴。

造《灌頂論》蒙佛題「寶墨凝醜」四字

得失雖然心自知，仍憑佛力暗加持，裁成小論蒙題字，寶墨凝醜過獎之！

除夕笑問法身

法身何以度新年？既闕夫妻又闕錢，大地莊嚴誰不戴？闌珊春意白雲天。

身無念

古人常說心無念，無念吾今身上驗，那得身心成隔離，秋江日影泛紅澱。

## 修夢觀瑜伽

看夢還如看畫圖，居然主宰不模糊，有時深入分身影，遊戲黑甜弄二吾。

## 勤修

於今我在時間前，座座爭先課課連，鎮日無人來間斷，關中半載勝全年。

## 友問關中有病如何治

藥師是我老醫生，除病氣功慣實行，別有賢妻常看護，空行顧愛更多情。

## 三省

吾日三番省此身：有無邪業惱天神？本尊悲智精通否？大樂明空幾度春？

## 幻想

幻想吾身成玩具，無須苦讀死章句，逢人都在喜歡中，懷抱不離少女慕。

## 關禪

六相由來不是禪，君臣五位未離邊，五家宗旨非文字，覲面當機疾舉拳。

## 進境

安得探囊如取物，誰能一口滿江吞？淺嵐幽谷行將盡，柳暗花明又一村。

## 早味

早味濃中有淡然，淨風細拂淺灰天，空村一望連幽谷，嶺上誰家半縷煙？

## 癡睡

軟透諸肢一味癡，圖書落地不能知，何須果位明空性？撒手無私也可師。

## 念佛

慈悲念佛究如何？憫眾時流淚水多，念到彌陀常念我：吾兒有志救娑婆！



李金英居士與眾初訪，余直呼之，伊以爲怪，吟此解之。

何期末晤已先知？只爲曾經夢見之，遠客同臨能直指，如來令我識英姿。

### 幻觀

欲捲自然爲一身，有時化蝶與花親，炎天入水同魚樂，雪後禪功釀小春。

### 幻想

乘風欲與白雲飛，翻作紅霞護綠薇，一碧長空成法體，奧明下嫁有新妃。

### 好夢

時因好夢轉成癡，善用欺方自慶之，畢竟明空何所有？墨痕留下七言詩。

### 懺悔 三首

癡情那得瞞韋陀，心願未圓抱怨多，時節因緣成熟後，銘恩帶淚又吟歌。

記得專求護照時，因緣早晏未能知，韋陀但囑溫英語，卻怪官文何故遲？  
平生性急惜時光，只恐蹉跎事業荒，不是違天無正信，每因緣緩怨蒼蒼！

### 時間控制

不求成佛不求仙，且喜從吾本性焉，隱逸欣欣何自得，時間控制有全權。

### 神通 二首

何因智力顯神通，同體大悲變化中，不捨毫毛微細眾，緣生感應顯奇功。  
神通帝網喜重重，盡在真如本體中，虎兔無分全力救，無緣遇者便成空。

### 業氣化空

何因業氣化成空，耿耿圓光定力雄，坦蕩心田無所住，孤明永照絕邊中。

### 大壇城

遷徙無常必有因，一年一信喜逢春，何當廣建修行館，法樂壇中集故人。

## 正理

隨法一心願力強，三軍莫敢奪金剛，平生不得人歡處，正理堅持未肯降。

## 碧玉天

習定雖然猛著鞭，昏沈散亂十多年，個中偶有相逢處，數見無雲碧玉天。

## 三世一如喻

譬如沿岸纜長牽，已去猶施力在船，望絕高帆舵更遠，卻餘波浪後推前。

纜、過去、船、現在、餘波為未來。

## 光蘊

濁世繁華已看空，何須神變逞威風？多年獨處塵埃外，生活常存光蘊中。

## 佛慢

豈惟不是世間人，三界已超天眾身，怕著明空諸佛位，慈悲任運住紅塵。

### 再見東方天王

浩劫神州孰挽回？蒙天再現定中來，止啼欲向王前問，悲塞全身口未開。

孤居鬱鬱，痛風類拔劍河  
時獲首回日覺凡情短佛  
遠時以夢里笑醒來

石岩居士自選

## 懷感類

### 晨眺墟場

遙瞻山麓墟場裏，黑影團團盡是人，大好平明清淨氣，漫隨攤擔混埃塵。

### 黃昏

黃昏時節路人稀，山鎮夕陽已漸微；未必迷途人不返，歸鴉解向老巢飛。

### 送別張相誠居士

送君出草舍，獨自揜柴扉，紅瓦望山麓，何年共遯肥？

### 醉禪師

禪師山下去，訪道來東夷，童子遠相告，風搖酒店旗。

### 懷故國同學

隨山好鳥作同寅，大似孤僧雲水身，最怕關中懷故國，半登鬼錄滿壇人。

### 偶感

含悲坐盡夕陽斜，睡夢難忘未到家，獨怪鄰翁多活計，折腰留待子孫誇。

### 黃昏聞野干鳴

晚霞飛去鳥無聲，寂靜林泉待月明，何事野干長有恨，黃昏一到便哀鳴？

### 無題

對月一披襟，風生冷透心，高樓弄笛罷，把酒向誰斟？

### 狂風

嶺頭茅舍比雲高，拍屋狂風似海濤，蕩漾如舟吹不倒，是誰暗裏在撐篙？

## 寒傲

凍結遊人不得來，更無熱惱撥心灰，自嫌寒傲成孤癖，卻喜香凝一嶺梅。

## 昂妻

孤懷獨禱欲何期？數載難歸一畫眉，羨煞西方共命鳥，更無別處可分離。

## 答友人問何時出關

父母偏勞妻送終，妻兒散處各安窮，此生不復有餘事，只等花開出大雄。

## 憶鑪霍野餐

興致陶融大自然，碧雲林壑露詩禪，別無蠻俗留心影，除卻野餐四月天。

## 夜闌聞妻吁

西竺孤居萬里程，客心時復繫歸情，夜闌天耳忽開發，聽得妻吁第一聲！



## 傷時

人間鼎沸已騷然，擔淚難將罪洗湔，縱得腰間懸慧劍，誰知引頸向鋒前。  
月食  
月之食矣，群星無光，村姑共號，我下禪床。

## 憶岱老

岱老詠諧醉後仙，直將身世當詩篇，茶餘忽憶生前態，一笑于今數十年。

## 見乳販有感

乳販朝朝嶺下過，從來飲者遍娑婆，醍醐一味無人顧，擬破涅槃問佛陀。

## 庚寅清明過印度涅槃場

幾見酬恩盡子情，紛紛細雨又清明，昔年風木墳前淚，哭向雙林欲請荆。

## 偶感

人見蟄居便不安，我憐奔走鼻如酸；何當廣就娑婆土，圍築七重放曠欄。

## 得妻書告將上墳山修墓

處境教兒事事難，修墳又欲趁春寒，家書已入字籠裏，輾轉翻來仔細看。

## 聞祖國大荒有感八首

故國嗷嗷鬧米荒，臨餐怕憶眾枯腸，承恩願得推恩去，百草隨風盡變糧。  
料得啼饑家復家，愁牽一路遍中華，何當坐食西天竺，恨不如師餐野麻。  
業果雖由自主張，修因我愧少宣揚；玄門曾攝一多理，忍見毛端偶受傷。  
世人誰未作吾娘？反哺何曾爲負糧，長跪佛前無別事，願將禪悅換饑腸。  
聞道一人初發心，魔宮震動鬼銷沈，如何久困關房裏，一任城狐鬧到今？  
記得昔賢常不輕，忍覘餓殍弗傷情，可憐道上啼饑者，異日龍華也有名。

極樂禪餐滋味長，世人幾箇肯親嘗？移來無盡黃金土，難買青黃不接糧。  
曾攝眾生一體修，後憂未解愧先憂，設身處地逃荒淚，勝過挨家傍戶流。

### 留印懷故人

故人重見待何期？鬼籙人間各半疑，多少關中心得語，欲歸相告恐嫌遲。

### 暮春謝張君勸老先生過訪

三月剩殘春，茅蓬辱問津，忍看情見苦，惱煞白頭人。

### 寺院率眾負經遊行

寺院率人荷佛經，遊行到處免災星，可憐嬉笑街頭者，能得幾人非白丁？

### 庚寅端午留印懷屈子

滄桑埋沒眾英豪，安得盡成覺海濤，故國何人投角黍，靈山不忍讀離騷。

## 示澄兒

曾趁亂離課學庸，于今獨處最高峰，何時更坐蓮塘畔，細與吾兒話密宗。

## 獨步

雲開霧散夕陽斜，獨步山村過酒家，半老心情微醉後，驚人眼目及時花。

## 勗澄兒用其原韻

當知六道也雙親，莫作虛生浪死身，器量包羅天地外，親疏度盡是完人。

原韻：『殘冬故國苦思親，遙念靈山只隻身，離恨自來骨肉有，況兒非是母邊人。』  
(出撫故)

## 情海

獨坐長天興致枯，笑觀情海起雄圖，怒濤衝石飛奇浪，風靜魚歡影欲無。

## 即目代澄兒作

玫瑰未識是誰栽？競向籬邊冒雨開，移步花前心欲語，願留一朵待妻來。

### 聞故鄉水災，時在靈鷲山閉關

靈山蜀黍正枯黃，偏有水災侵故鄉，關裏叩頭勤懺罪，欲吞共業謝龍王。

### 密悟法師西藏出逐，留印又多阻難

遂客出西藏，靈山更渺茫，逢僧未及話，已是淚汪汪。

### 夢中吟

夜色淒清，霧溼獨橫，倚闌萬里，滿佈離情。

其後澄兄果赴香港

### 老油籬嘆川、湘一帶稱學佛而不得力者曰「老油籬」

紙糊青篾老油籬，一任純油幾度過，滓底縱無油飽滿，也難吩咐作其他。

## 過車站

車頭汽笛一聲驚，惹起多年漂泊情，偏是月台風雨裏，往來售票有人爭。

## 贈別張澄基居士

小陽春意上梅梢，解卻桃花舊日嘲，記取茅蓬一席話，莫從夢裏覓真交。

道家陰陽交之別名。

## 贈印度加城移民廳沙濂泉先生

人生何處不相逢？難遇清真溫養翁，記得官衙初見面，唯君相對若春風。

## 供花半萎

半萎瓶花未忍傷，且留佛案供餘香，一經拋棄壇城外，也苦隨風逐水忙。

## 憶澄兄今日到香港

羨君到處泛慈航，看盡人間海與桑，相憶惟祈沿路好，計程今日謝龍王。

### 憐牛

記得連阡路，荷犁冒雨登，叮嚀送宰者，莫越老田塍。

### 聞山中歌聲

何處妙歌音？山深不可尋；遙瞻萬綠裏，莫是有知心？

### 憶恩師

滄桑劇變幾多姿，夢影驚魂未忍支，豈復家山猶系念，獵人隊裏憶恩師。

### 春宵數醒枕上口占

欲向街頭賣此身，半衰血氣負深春，淺眠得響旋驚醒，好作胥家防賊人。

### 辛卯母忌辰泣占

最初一念不能忘，遂令專心學地藏，未識飄流何處去，遍緣六道哭親娘！

### 睹蕨思妻

山神有意勸吾歸，遶屋環生好蕨薇，記得吾妻常採此，別來人瘦蕨空肥。

### 寫淡疏兩絕寄張澄基居士

淡淡疏疏如此過，慰情拋盡深山坐，有時暗裏也傷心！今日爲君纔說破。

淡淡詩見《止觀類》 疏疏詩見《船居類·夜漁》。

### 得家書

那有亂邦到好音？不須開拆仔細尋，得書且喜人猶在，凝視函端淚滿襟。

### 暴流

暴流衝起拍天潮，激石崩山斷老橋，獨立高峯長太息，難回一滴到山腰。



### 懷故國親朋

飄流昔日度清平，一任親朋樂爾生，劇變于今頻問訊，卻無消息吐真情。

### 偶感

口耳之間四寸食，何能養我此身直？蠹魚盡向字中求，覓箇疑心人未得。

### 得澄兄抵港初次來函

賞花人憶百千回，萬里尺書今始來，莫是薔薇能識字，何期恰好今朝開？

### 清明細雨

已禁楮錢不敢煩，野風肥草滿山翻，天公有淚成疏雨，邱墓誰家到子孫？

### 即事

只爲難眠得賣身，朱門防賊作閨人，誰知富婦眠尤苦，一夜巡行三兩輪。

## 乳燕出巢

乳燕離巢已試飛，喃喃向我話禪機，如君也得出關去，三月煙花正好歸。

## 偶感

葱嶺雲深訪喇嘛，秦淮河畔也觀花，少時江海浮奇想，半老客居只憶家。

## 憶吾鄉鮮魚粉

臨別妻言未易忘，時從口味憶家鄉，到街宜用鮮魚粉，一出城門難得嘗。

## 病裏懷則老

何期數伍得翁鄰，同是天涯淪落人，病裏成詩猶未寫，展眉先向君家吟。

本韻呻字太生，吟字用孤雁出群例。

## 壬辰中秋留印，得澄基兄嫂合影

獨居幽谷欲無我，共味道腴卻望人，倩影飛來時正好，中秋月色倍相親。

### 中秋適得家書

躊躇菩提歸去遲，懸懸變亂倍相思，家書萬里來何巧？正是中秋望月時。

### 癸巳春日聞蘭香

滿谷回環四面風，闌珊春意遍西東，不須摘向家園養，遠處幽蘭香愈濃。

### 粗布小帳今年改換隔紗兩層

小帳蒙頭似綴花，一層粗布一層紗，問君何事難齊整？隨遇榮枯施主家。

### 放鴿二首

開籠且喜汝高飛，暫落南山草舍扉，見汝遲疑頻顧望，可憐何處得皈依？  
喜汝高飛不喜低，與人同處便沾泥，恨難拋向蓮邦去，長與頻伽共命棲。

爲懺自他罪，繪卅五佛相

宦場欲海究如何？我處關中罪且多，好手描來卅五佛，替人先請斷心魔。

鼠過

我且未曾作主翁，禪房何物不觀空？偷糧黠鼠知休去，曳尾長趨田舍東。

念亡友

辜負幾多老友恩，教從何處賦招魂？生前數勸成疏遠，只在臨終信我言。

自勉

氣功磨鍊十餘年，啓請殷勤淚若泉，猶且寬懷常自勉，時逢十五月終圓。

無題

天翻地覆不傷神，只苦空山繫此身，豈獨真修難得伴，能詢肯綮尙無人。

## 上弦口占

夜夜圓明那得齊？有時隱沒也休題，最難排遣黃昏後，微現一彎美女眉。

## 春日懷澄兄

菽田新播種，槐葉又生芽，之子無消息，何時得到家？

## 讀天竺《欲樂經》有感

揣摩女態縱傳神，那得重回童子身？大抵良緣由夙締，過時惆悵是癡人。

## 施人昔施我舊衣

布衣輪到我來施，已歷二人著舊時；且喜如來恩澤厚，未全破裂不爲遲。

## 念故國友人

客居念友竟成癡，泣看暮鴉歸故枝，欲強蒼天長駐日，多留幾箇誦吾詩。

### 見法國尼姑乞食有感

捨棄精華欲取皮，東方文化自狐疑，可憐托鉢沿門者，卻有新來法國尼。

### 懺悔

語不驚人喚奈何，積非成是莫能訶，常因眾罪難休止，哭向佛前求懺摩。

### 困難中懷張澄基兄二首

或回岩穴拾枯柴，或住山城對五槐，我已多年離主宰，此身一任佛安排。  
欲盡春衣典道糧，徹髓悲願最難忘，遲遲未返花岩去，只戀人間一老張。

### 哭醒枕上口占

孤居鬱鬱痛風頰，拔劍何時獲首回？日覺凡情離佛遠，常從夢裏哭醒來！

### 有感

內已不存誰是我，外除可憫別無人，精微法樂猶當捨，那得癡情繫色身？

### 存心

幾番虛己以從人，總爲同居一法身，假令心存誰不度，法身無乃失全真！

### 爲窮人祈禱除病

同體大悲解倒懸，神明不在供香煙，窮人醫藥猶難辦，惟有至誠依靠天。

### 傷心事二首

第一傷心事，難回欲海狂，犧牲暇滿體，鎮日爲財忙！

第一傷心事，智昏難自強，無人知本分，可惜如來藏！

### 街頭

同體眾生莫不親，雖牽一髮痛全身，傷心怕到街頭去，觸目無非造罪人。

見殿角貓捕狗尾蛇二首

殿角貓捕狗尾蛇，解冤不及淚如麻，看看身首不知處，餘尾猶能殿下爬。  
貓轉人身第一難，初聞此語已心酸，今朝一見捕蛇狀，忍把貓兒隔世看！  
色卡上師云：「家畜中，牛豬易轉人身，貓最難。」

窮到

窮到無愁詩有神，樂來自覺道非貧，生財未必歸仁者，得句還疑屬古人。

也想

也想人登般若船，未曾解纜被他牽，渾身墮入污泥裏，始悔無功不兩全。

解冤

解冤時有鬼來求，爲有鬼通知所修，安得世人都識我？也當撥定渡人舟。



### 憐色鬼

石榴裙下業難逃，牽向鬼窟走一遭，花影月移紅粉夢，趨前驚破滿山刀。

### 憐熱鐵地獄

熱鐵房中火似焚，牛頭馬面欲抽筋，是誰先得菩提果？忍苦吞聲盡望君。

### 憐寒冰地獄

雪地冰天慘裂膚，故吾殘忍報新吾，是誰解凍傳薪火？夜半鐘聲雜鬼呼。

### 憐阿修羅

一怒奔騰四海潮，流民圖籍不堪描，橫飛血肉千秋恨，只爲君心忿一朝。

### 憐天道苦

輪回惟是苦參差，先苦後甜尙可支，謝盡天花何處去？更無天女近身時！

### 憐餓鬼

慳到咽喉細且長，貪來大腹似空囊，何期雨滴簷前水，點點都歸本地方。

### 念輪回苦

輾轉寒衾夢未圓，枕頭放處總無眠，愁城一夜猶難忍，況復輪回幾萬年。

### 憫眾

天胡留我在人間？憫眾徒然淚欲潛，我隔靈山猶恨遠，況還隔我數重山！

### 瘡中行吟

瘡鬼爭能奈我何？寒噤一起便吟歌；詩情得與禪機合，不見誰爲病裏魔。

### 妖魔

魯男偏是惹妖魔，時有小姑娘帶笑過，鄰婦不知身已老，雞皮滿面送秋波。

## 尋白髮

安貧那怕饑寒迫，四十年來髮似昔，今日妻閒仔細尋，滿頭難得三根白。  
時年已四十矣！

## 謝黃蘊秋老居士鴻施二首

千頃汪波信有哉，君家叔度又重回，何當慧眼偏相顧，自幸三生修得來。  
固窮絕意受嗟來，乞丐猶嫌蹴爾財，偏是及時逢舊雨，不須彈鋏故相催。

## 步洪鳳翔原韻

疏食簞瓢步聖賢，桃源春色破寒煙，聞君也有長生術，參透四禪那一天？  
桃源距天龍岩數里許 洪君曾學道家定功。

## 偶占

口緘心靜眼光高，足走人間只者遭，多事唯憐指爪苦，得閒便向癢邊搔。

處德格夢索母乳三首

夢裏歸心幻老萊，邊荒夜雨解相催，叩頭戲許三千次，賭取垂枯老乳回。  
本地風光欠甚麼？錯疑心外有彌陀，歸來縱得娘猶健，收拾淚痕看幾多？  
聞言朝淚最傷目，幾度抑回淚轉速，料得慈親難遠聽，萬重山外放聲哭。

落落

落落人間何自苦，茫茫世路爲他憂，翻因憫衆生煩惱，畢竟無心寡怨尤。

漢藏院病榻懷內子

墨痕未了淚痕盈，負米年年作遠征，萬里修書誰慰我？每從病裏倍思卿。

樂山關中重度除夕

悄然獨坐欲逃禪，一度今宵又一年，戲問僕童誰伴我？回頭笑指佛龕前。

## 樂山出關途次口占

依舊出關散亂人，狂歌笑舞夢中身，十年學佛不成器，銀幕新添卓別林。

卓為美國電影滑稽專家

## 即事

賣唱艙頭聲已嘶，猶敲竹板強支持，贏來破票還相謝，正是船停午飯時。

民國三十五年隨蘅老朝普陀山，船停寧波賦此。

## 過滬市有感

熙熙攘攘欲何之？都在輪回圈裏馳，偏是娑婆堪忍苦，馬龍車水只嫌遲。

## 北天竺關中望雨懷金陵

孤峰獨處似無情，雨到天涯第幾程；時見青鴉銜供去，豈無消息到都城？

### 噶倫堡山霧夜懷感

霧中何處是人家？山路燈如星斗斜，偏是夜歸忙裏客，不嫌摸索眼前花。

### 聞某翁閉關展期有感

下自成蹊莫可辭，又招蛺蝶上花枝，一年春比一年好，樹倒藤枯待幾時。

「樹倒藤枯」為禪門公案語。

### 讀《聖經》有感

猶難學得到耶穌，況復超天包太虛？覺海無邊空泛浪，行桴何日達真如？

### 遙瞻行中法師去後關房

世人幾箇解求真？長劫輪回滿面塵，俗客高樓空往返，嶺頭白屋已無人。

### 澄兄染癩，問何不先代，賦此答之

非關愛語巧相陳，一片婆心自信真，君豈甘爲人度者？還須勉作度人人。

### 懷故國

孤懷夜禱大悲禪？故國彫殘天一邊，燭照蒲團相對苦，替人流淚佛龕前。

### 有感

常覺此身無用處，又疑萬一得相逢，渡頭一葦長相等，會有離鉤蝦化龍。

### 火供有感

火供豪華費萬錢，誠心運想入深禪，如來那用人間物，點滴還歸自福田。

### 聞人呼快來

街頭何事緊相催？時有人呼快些來，畢竟朝朝都過去，等閒看破盡癡猷。

### 訪問緣

泛泛交遊日見多，觀光事業遍娑婆，幾人能識飄流苦？放下行裝學佛陀。

## 法施

壇城佛像與符篇，又向西方寄萬千，竟日無私唯念法，群生闕少甚麼緣？

## 北方空地被人佔領有感

北方火供財神地，已被鄰家作菜場，我自雷思雷思無罣礙，隨身對面是天王。

## 偷閒罪

偷閒也自積愆尤，惟有辛勤替眾修，試問檀施忙裏苦，何曾代受一分愁。

## 著急罪

歷久祈求不耐煩，居然果報欲推翻，殷勤懺悔重修習，水到渠成便領恩。

## 寄耶誕片於奚玉書兄嫂



萬里朋情一線牽，年年耶誕禮爭先，明知善士天常護，但問弘揚幾許緣？

### 母難日吟

凡夫母難喜鋪張，炊黍殺雞宴客忙，我自懷羞勤懺悔，遙瞻佛地路猶長。

### 景物

景物閒情湊合之，音階雪月譜佳詞，老來詩句惟存理，不似風花年少時。

### 寄三百佛像於全球圖書館二首

佛陀三百印連篇，航寄全球上下天，願彼圖書館讀者，不甘念佛且參禪。  
匹馬單槍度敵人，三千佛像七千神，何須核子彈頭發，像到魔歸大地春。

### 寄語銀行勿逼出關提款

雖然出款沐仁人，大事能招八部親，寄語銀行休作障，吾今掌握有財神。

## 願力強

誰能斷我證空王，威力還如願力強，叱喝風雲驚四海，核頭一筆盡銷亡。

## 聞鳥聲

昔年曾放小黃鸝，今日聞聲略帶疑，我執籠中人盡縛，誰能解脫出藩籬？

## 獨居

獨佔關房避世譁，同居只有打冤家！休嫌雪嶺孤衾冷，夢穩心安睡味嘉。

## 憶東德佛友避難西德

兩地同存萬里心，都因避難似驚禽，未知邊界高牆上，阻否春風度柏林？

## 窮人借小錢

懶治工商未力田，拋開俗務學參禪，雖然斗室無長物，卻有窮人借小錢。

## 送別嬉皮

參禪破得幾重疑？大好青春惜浪馳！唾棄西方何處覓？黯然揮淚送嬉皮。

## 小願

神通欲傲蓮花祖，受用常懷密勒師，負起金剛乘大業，人間秩序得安之。

## 自笑

鬢霜未到全顛雪，頤朵從無半點愁，自笑還存人愛處，有時贏得女回頭。

## 讀白居易《琵琶行》有感二首

賣唱猶嫌不正津，未遑酬志最傷神，江州司馬當年淚，今日同流有幾人？  
菩薩何愁志未酬，群生不盡總千秋，明空宇宙原無死，輻射悲光巨細流。

未到美國先疑慮二首（參看《聞俗類·讀〈中央日報〉蘇甦文》）

父母猶嫌美國忙，誰人寄食可悠揚，未逢難色先疑慮，不若遠離憶念長。  
除非巨富肯揮金，信眾聽從識好音，佛事莊嚴如法現，天龍八部護持深。

### 最喜人家佔我便宜

最喜人家佔便宜，聊培福德了無疑，自慚惟有精微物，不受歡迎滿肚皮。

### 小感

人處雪山老，月留佛國明，繫匏何足嘆，浮海豈多情！

### 花謝

四鄰已種四方花，我住中央莖以加，風緊也分花謝苦，親栽豈不更悲嗟。

### 詩文

留得時間萬古存，詩文血淚積深痕，群機契否誰操縱？慧命新生自領恩。

### 見弄猴人有感

老來興趣不尋常，看弄猴兒心便傷，多少黨徒欺學子，犧牲不必在沙場！

### 即事

成千攝影不曾收，記得邀予入鏡頭，漫說交遊遍四海，幾人義氣似嬴侯？

### 郵路

郵路橫通海陸空，天涯地角一家中，精華佛法曾傳播，會見寰球證大同。

### 出處

出則飛機繞地球，孤居卅載也優遊，行藏自有天籌措，不用龜著卜咎休。

### 偶感

桃花扇裏句重來，撥起癡心已死灰，漫說童顏修得轉，兒時興趣一齊回。

## 即事

高峰難得幾人升，出入松林三兩僧，冷到迷呢裙不見，天公有意妒摩登。

## 邱寶光兄謂讀拙著《近譬集》有親切感賦此謝之

羨君經歷已精深，句句如先得我心，一覽能生親切感，讀書如此是知音。

## 美國詩人布洛來訪直詣窗前即誦拙詩二首

詞客陌生自遠探，憑窗欲共五槐談，問誰曾告茅蓬景，昔讀君詩今訪庵。  
卅載孤居不覺長，良朋訪問也無妨，忽逢美國詞人到，對讀拙詩共感傷。

## 重溫西齋淨土詩有感二首

古人詩句只求生，我欲常存勸眾行，一去明知當再返，何須聖者費逢迎？  
寶樹裝成不死身，靈禽入我作香唇，蓮花不染娑婆苦，直請金剛轉法輪。

## 寄像片還家

像片還家且慰之，廿三年裏變多姿，將身攝入關房影，好趁滿頭未白時。

## 蠟燭盡

多燃豈古佛？不點非癡人；記得岩居簡，孤寒月更親。

## 憐金剛鑽

端緣美譽稱金剛，五八切磋發寶光，誰保其身無痛癢，爭如亂石在溪旁。

## 特務

端緣處世盡光明，不受官場特務驚，試看平沙全體白，何曾一點怨潮聲。

## 口頭禪

信口誇張已見機，何曾細嚼到精微，菩提種子猶難識，那得花圓與果肥。

## 友人囑到美國寄贈小東西

雖然四海一家齊，想像雲程萬丈霓，不道從今人更遠，叮嚀囑寄小東西。  
來加城不感熱

也在秋陽酷熱中，冰箱冷氣住吾胸，從今不受炎威迫，分與清涼證大同。

## 小別盆菊

也曾讚爾耐秋風，供養微香隱逸中，小別經旬祈勁健，朝朝灌水託鄰翁。

## 小別水館熱帶魚

於今大海不清新，別汲清泉活小鱗，此去宣揚龍族法，晨朝施食有嘉鄰。

## 舊金山機場重晤張澄基居士有感并序

澄基兄由台灣來美任教，飛過舊金山，曾託其友駕車迎我一談，欣然赴之。



古人不逮便相忘，自恥難行自感傷，挖穴尋蛇乘彼短，何能效法別人長？  
感情易動便忘形，誤取無鹽作典型，記得譏師蒙特寵，今朝卻喜得同評。  
昔年責師無加持力 今日責弟未成佛。

千秋月旦有公評，取鬧無端孰與爭，蟋蟀牆頭空自啣，幽林求友有鶯鳴。  
對鏡宜憐嘴已斜，端緣誤摘別人瑕，松頭露出蒼斑點，正是多年老到家。  
昔年兄已早灰心，卅載吾今彈古琴，即此恒心能效法，更何暇晷說浮沈。  
久離重見又勿忙，老案何須鬧幾場，不是無辜空受辱，憐兄有病在心臟。

## 公園

昔樂隊員鬧幾場，公園卻是好關房，白蘭惟肯承天發，地面遊人不覺香。

## 自欣

自欣孤掌也能鳴，佛手同時拍出聲，借問誰人堪入耳？寥寥幾點曉星明。

## 混世魔

混世魔軍一陣風，塵沙激起障長虹，平生不愛人抬舉，惟喜眼光與佛同。

## 聽古樂有感

聽罷野干出梵津，西方暴樂等於瞋，因聞古樂心隨住，頓作羲皇以上人。

## 喜聞沈家楨道長生辰

任重路遙喜自馳，年年月滿祝期頤，群機一體同登日，正是君心大樂時。

## 某美國女居士來談除貪之法

自惹麻煩自結仇，絲連藕斷幾時休！今日又逢年少婦，細商何以截貪流。

## 美國習俗一斑

居然別出一番新，老婦濃裝自有春，寬袖道袍非隱士，長鬚卻是少年人。

飛生帶角講演，機上口占

高處未聞海水聲，岸邊白鍊也清平，風潮不起雲自靜，鐵鳥居然過百城。

沈居和如夫人大日敬贈長壽佛徽章 賦此呈政

豈用添花錦上乎，世間何物沈家無？金身壽佛遙相贈，敬祝千秋德化敷。

小住維乃斯

山圍潮水水圍城，城內人家各自營，小閣花園通曲徑，有碑禁止客車行。

有感

末法弦歌不易彈，儒家早已嘆才難；面牆姑候機緣熟，啼笑皆非聽野干。

見大麗花懸肥有感

重瓣積肥自倒懸，更無面目對青天，何當暗吸泥中味，卻不流芳結妙緣。

## 花神

不知誰是正花神，妙色殊形點綴勻，且喜天公常免稅，幽香飄送遠行人！

### 楓時候桑洛瑪關房之建立已近二年

是誰栽得滿山楓，落到深秋半嶺空，疏朗還如人曠達，已枯猶帶笑顏紅。

### 美國鬧市亦有華僑用木箱安輪推動以售食品

街頭小賣總相親，黃面何須再啓唇，不是孩童猶愛買，家園口味故鄉人。

### 元旦飛阿里佐那省鳳城說法二首

除夕上飛機，新春說法微，思齊彌勒佛，遯矣又能肥。

不用通書選吉期，天然會合了無疑，新年正是逢元旦，樂得群賢受法施。

### 聞小賣道再見有感

小賣花箱到處推，街頭市面客常來，雖然再見頻相囑，幾個終身遇數回？

### 小遊

人間世亂自知休，枯坐小齋欲出遊，任意徘徊無目的，深林曲水小停留。

### 望魚缸興感

沙虹電月映花鮫，注水通風鼓小泡，我固憐魚能共樂，卿尤憐我寡神交。

### 省錢印書

美國各貨奇昂多至十倍，除印書外，各物常從廉價店得之。

喜逢廉價老家常，客館新鄰舊貨商，不是貧窮無一物，省錢專爲印書忙。

印度印小冊有三十元美金可印千本，此問則必三百元美金。

### 領美國食券有感

且喜猶存乞者風，何嫌食券濟吾窮，公文細讀如親訓，從此更懷恩澤隆。

## 遊公園賞花

野寺施人已治茶，公園爲我已栽花，只因欲少心常滿，遂覺人間盡可家。

## 望白蘭興感

蒼樹白蘭開向天，無人摘下送壇前，回光遍照法身界，萬象森羅供養圓。

## 即事

步步何曾踏白蓮，心閒事少契行禪，不用耽憂車路險，綠燈常遇正開燃。

## 喜家書到

鐵幕透家音，豈惟抵萬金，天涯渴望後，得此勝甘霖。

## 報母之恩唯有念佛

昔年憶母淚汪汪，半老眼枯詩也忘，念佛求消終古恨，西方教主是親娘！

夢廖則如居士回大陸餓死，墳地不隆起

荒地一墳不起堆，可憐才是去冬回，九泉應悔歸非計，難見隻雞絮酒來。

聞賽馬有感

恕我存心求速成，遙聞賽馬也生驚，世間小事猶爭捷，豈可菩提不早榮？

憶雙親勉我書香

記得雙親話考場，頻摩兒頂勉書香，誰知學佛逃名利，只有文章報法王。

聞野干鳴有感

野干夜半聲長嘶，或哭或啼不可知，吾道孤寒心自苦，聞聲便覺淚難支。

襪子翻身

窮而善變自甘貧，溫暖豈宜常累人，底破作頭頭合底，居然襪子也翻身。

久不看報

大事街頭巷尾傳，機微諸葛已知先，蠅頭小事何須看？  
且保神光讀畫箋。

喜英僧吉瓦卡到

細雨連朝客未來，逢晴恰似有天催，輕敲不待猜誰到，蓬戶惟因僧寶開。

讀澄基來書謂夢見余頂上有三圓光

時逢午飯卻遺忘，喜讀來書說頂光，念到鴻文求證處，始知岐路有歸羊。

有感三首

粉身難報佛陀恩，滴滴淚珠帶血痕；難使群氓成法器，忍隨俗見害真言。  
世變滄桑應復初，豈宜長讓故人疏？徒然愧受中秋餅，難見數行寫意書。  
饒有虛心不自師，明知故問爲來茲，忽然停筆凝神望，應是稀奇領悟時。



## 金剛眼

昨夜普賢趁出塵，今朝騎在聖僧身，若非毒辣金剛眼，難識忘恩負義人。

## 正月十四密勒師佛日哭中口占

未得餐麻又錯過，年年今日淚如河，自憐功德難追效，毒素人間日見多。

## 暴政九首

豈惟生者已魂飛，枯骨九泉也盡非，五陵古塚尤難保，處處屍骸搗作肥。  
自從禍首是毛妖，遂令黎民盡作貓，萬戶拘捕無剩鼠，考功數尾幾千條。  
天生小雀拾餘糧，也啄害蟲利稼莊，昔日雀兒殺戮盡，今朝自見饑民亡。  
惹得家家血淚流，戴天誰不怨同仇，王師直搗匪巢日，但許生擒勿取頭。  
重工業務豈尋常，無學匪徒亂主張，搜盡民間窗牖鐵，何曾鍊得一條鋼？  
一令風行到四方，城鄉特務網羅忙，愛親天性都消滅，童子居然殺老娘。

朝說重農暮說工，無知匪類好稱功，十年若比英倫國，最後完成四海窮。  
灶成原是我家磚，糧食莫非自種田，冷熱由他難作主，猶云吃飯不須錢。  
剗盡地皮掘盡薇，天公不助雨常稀，箭頭轉向九泉射，萬骨搗灰黨魁肥。

### 供稀

蠟燭檀香三兩枝，豐盈火供已難支，潛修且喜無多事，處士未忘岩穴時。

### 答英比丘問新年從藏從漢

從來節氣總隨緣，藏漢吾心不著焉，自愧關居空受惠，嘉餽送到即新年。

### 即事

兩事平生執著強，時間佛理不能忘，起居修息循常課，不聽檀施亂主張。

如劉銳之不主張燒火供，彼得不主張印小冊，張相誠不主張放鴿子等。

### 偶感六言一首

不通世故人情，未得恆從眾生，何日出關歸去，掃除四海虛名。

### 喜吳君回噶倫埠

難民入伍住南天，例假乘機返北邊，不是家園原在此，權將老友當親延。

### 有感

未法於予正好休，無人返本問根由，向前推進新生活，道味人情死對頭。

### 英僧茹素身瘦露骨

定境光明日日新，閒居無事擾精神，自嫌整塊癡肥肉，欲補英僧瘦骨身。

### 澄基來信胡說以此詩解之

記否昔年謗上師，余曾帶淚寫長詞，於今也遇歪斜嘴，漠不驚心喜自知。

曾寫〈常憶念頌〉 見《讚頌集》中。

余瑤娟大嫂稱我爲無名老道，賦此解嘲

無名老道豈真吾？喚作比丘更不符，世上描容難契合，隨他到處亂稱呼。

散發小冊有感

寰球盡作可畊田，佛種郵傳數萬篇，無奈冬深人意冷，小陽初動看明年。

鬻書有感

從來不積有時錢，豐嗇替人種福田，漫道關居無活計，鬻書猶可閉三年。

寄詹勵吾謝賀年卡

好鳥枝頭見友朋，桃源春色喜先承，何時得躡成溪上，吟席堪容在家僧。

鬻書以換郵票

杜門甘載不須車，節食茹素敢嘆魚，唯有郵花難再得，寄書還鬻古人書。

屈文六居士讀《大手印抉微》一稿囑勿批評古人

縱令虛心不自專，猶須剪燭話三年，文章萬世公評在，何必前人比後賢。  
何能寸簡得詳詮，身體力行數十年，無的莫忙先放矢，願翁長壽讀吾篇。  
分而不二合不全，文殊劍逼佛陀前，憐翁老大難聞喝，放爾猶豫八十年。

自況

亂世欣然作蟄蟲，孤寒獨坐小茅蓬，平生事蹟無奇處，盡在村童笑話中。

即事

仆地兒童自起身，明知路上斷家人，縱然一哭誰相慰？不若言旋早洗塵。

七夕興感

織女牛郎久不從，一年卻有一番逢，何當卅載修空樂，未見和須步我蹤。

## 放光

言教何如身教良，全憑德相度頑強，何須口筆空勞力，且放三摩地上光。

## 讀楊平苗書後

手澤追懷報國忠，後賢有志繼宗風，歷朝多少棟樑木，用否攸關國替隆。

## 匪禍

終當餓死讀書人，警句凝眸落淚頻，假令先賢猶健在，忍看匪禍更違仁？

## 即事

文人筆管武人槍，隱士能餐岩穴漿，惟有小孩無所恃，天乎母也哭聲強。

## 發散小冊有感

何故頓銷千萬篇，連郵贈送不須錢？莫嫌輕賤凡夫眼，且待王興五百年。

印贈三百尊佛像於全球圖書館

聖賢古佛幾人親？聊請畫工細寫真，翻印分傳諸國去，從今個個識能仁。

又印紅教祖師像冊一千分郵各國

蓮師舊教古風存，佛祖明王數十尊，自此降臨天下去，看來幾個領深恩。

自遣

此身曾許墮群花，何必流亡苦憶家？蛺蝶爲媒禽作伴，吾心樂處即中華。

辭受

辭受曾攻孟子書，過於廉介也非如，聖時不落和清二，願法仲尼與子輿。

改譯唐詩有感

舊譯唐詩韻已無，多番調整使相符，千年遠播猶充耳，幾個聞聲決出乎！

良田

良田種子曾傳遠，佛運菩提漸見隆，念法常思千載後，存心不在八風中。

寄小冊無錢買郵花感而賦此吾湘稱郵票曰「郵花」

寄書無復買花錢，欲典粗衣孰肯穿？遠客函詢欲快遞，先行捆好再呼天！

寄書有感

贈送何嘗有利圖？也嫌釣譽領門徒，郵花用盡關齋費，猶念有誰未寄乎！

賣去手錶換郵花

直須無我破時空，不用存心看錶中，換取郵花傳驛路，欣欣自喜法流通。

鬻書以寄書

具見何須積古書？郵花直可走舟車，敢云拙著超經史，同病相憐時在予。



## 偶感

記得岩居三兩年，孤修未肯結魔緣，如今斗室無長物，略有圖書換米錢。

## 再論推敲

敲之意緩且鏗鏘，推字似嫌事態忙，賈島千年留史話，招魂滿擬共商量。

## 歸思

快見毛幫一現曇，何時插翼返湖南？幾多天竺農家事，欲與吾妻仔細談。

## 即事

彼得三回不認師，雞鳴痛哭已遲遲，殷勤寄語收徒者，賣主何人應早知。

## 平生也不愛師銜

時節到來度聖凡，何須博譽領頭銜？祖師飛後嘗存想，依舊還居老石巖。

寄贈沈家楨兄龍尊王佛像感而賦此

試問驚濤駭浪時，如何好運似神馳，天龍八部長相護，菩薩有時不自知。

隨喜沈家楨兄爲吾師大寶法王建寺捐地基

法王一九七四年至美國紐約時，即駐錫沈君之菩提精舍。

高廈早已作行宮，法苑巍峨正奏功，昔日王冠流祖澤，檀施仍舊屬吾翁。

坐候築廬，延緩晉謁，賦此聊申歉仄，鹿呈沈家楨兄教正二首

端緣吉地近龍宮，身候關房心念東，正好遲延三兩載，贏來壽算喜無窮。

不惟山地為龍身之臍輪主功德，且龍宮亦蒙暗示即在附近海濱。

不惟常修無死瑜伽，見小冊七十七；且蒙天語指示尚可住世三十年，果能在此三十

年，努力修無死則得無窮壽。

心田坦蕩絕西東，一念圓成外內功，況是普賢原舊友，華嚴法會本無終。

智者大師謂「法華法會」尚未散，其實「華嚴法會」在時間倒流中亦未散也。

佛旦前一七

### 遙寄錄音帶於紐約沈家楨兄

客舍無妨話出離，龍王約我豈嫌遲，錄音如柳長相帶，東岸難忘有子期。

### 散發彩照小冊有感

鳥掠長空絕羽痕，何須攝影惹塵喧？端緣佛去三千載，欲眾追隨兩足尊。

### 近作

像機留動作，音帶錄言詞，一片婆心苦，教誰解剖知？

### 古稀自勛鹿呈沈家楨兄喝政四首

馬老何妨著祖鞭，古稀原屬俗人傳，脅尊四百猶弘法，五髻文殊最少年。

脅尊四百猶弘法：曾作四次之結集。

一具童心似小孩，定中安樂天難埋，況修無死真三昧，十世一如絕剪裁。  
天難埋：王船山詩有：「我自從天乞活埋」。

新來責任更森嚴，幾個降魔自立廉，天下野干多怪說，千鈞正統一人拈。  
貢高不可有，佛慢不可無。

咐囑佛陀喜早傳，龍王遠謁結奇緣，壇城放眼天交泰，豈有文殊負普賢？  
一九四七年朝金剛座，塔內佛像咐囑赴美弘法（夢中知夢，情景如活）。

扯勒路（美國信徒）未來之前，龍王先在夢中禮我禪座，邀我來美弘法。

此地實一地天交泰之卦，上方青天，下地紅蓮，下方法光上昇，上方法雨下降，故曰地天交泰。

因常尊重沈兄如普賢，故不自覺濫竽文殊也。

### 謝扯勒路精構蓮壇藍圖

當時一句太糊塗，欲得蓮花似我廬，誰道弄脣非易事，累他辛苦畫藍圖。

彼買好地基後，即飛函印度詢當取何形式，比答以當用壇城中心蓮花形。

## 延生妙訣

道家採藥覓仙方，佛網求魚到處張，自喜彌陀常用我，何愁壽算不延長？

## 沈家楨兄大旦奉贈圓石山水及長生之花用祝無量之壽二首

心地如圓月，梵行若白圭，水長山更秀，恩澤好標題。

壇城供佛勝玫瑰，老瓣猶存嫩瓣開，緣起真如常自在，長生直至盡輪回。

玫瑰有刺，佛教不用，耶教則用之。

## 恭謝代施

不讓人遭中斷魔，源源接濟似江河，何當事事生神變，無用寫經換玉鵝。

壬卯春

## 敬謝沈家楨兄遙施建壇經費並寄呈藍圖全套二首

藍圖全套喜郵呈，別有心光露至誠，昔日龍宮專美譽，華嚴不散賴吾兄。

《華嚴經》由龍宮經龍樹菩薩請出。

法身一體竟如斯，兩地居然共硯池，玉牘降來留感應，藍圖寄上適同時。

寄上藍圖回寓適奉雲箋。

佛旦前二日

風香蒸柳對綺霞青  
嵐一水一趨溪斜會須  
蒼直此過古莫認途中  
是別家 己未歲末寫

## 勸化類

### 王老

王老低頭苦整朝，欲從床上一伸腰，誰知纔入睡鄉去，苦夢依然上嶺樵。

### 勸某翁

風前蠟燭草頭霜，到老尤須愛景光，縱有桑榆無限好，晚紅一抹已斜陽。

### 勸人難

醉夢唯知世味甘，反唇笑我是書憨，從今杜絕人間口，不是知心不與談。  
直言數數斯疏矣，聖訓何曾未憶起，生怕他人難出離，焉能無友不如己。

### 岳丈著天命，呈詩解之二首



惟命不于常，道善則得之，勸翁高著眼，天地未開時。  
天視自吾視，天聽自我聽，虛空可粉碎，明德永惺惺。

### 黎澤山約三年後同閉關，勸照顧當前

何日死來不可知，胎中死者豈無之？當前莫讓飄流去，咬定千金一刻時。  
後果未及三年即西逝噫！

### 王婆苦

放罷機杼又採薪，四肢直待到床伸，可憐纔近枕邊睡，驚起小兒哭母親。

### 內姊娣政四秩賦此祝之

四十年來苦病魔，蟠桃一箇姊嘗麼？能將俗慮都拋盡，定許長生安樂窩。

### 勸內三首

伴余學佛已多年，家事牽連心未專！幾度贈卿無價寶，可曾受用一文錢？

柴米油鹽醬醋茶，塵埃滿面事如麻，額前死字卿須記，昨夜東籬又落花！  
矢志斷除生死流，莫將心計罣鹽油，虛懷無事便相應，較短論長風馬牛。

勤洪鳳翔學佛三首

靜觀滄海變桑田，得住桃源便是仙，千載園林八百主，六朝金粉屬民權。  
天倒當頭也不憂，乾坤袖裏有春秋，涅槃證得無生死，放下萬緣趁早修。  
收得桑榆奈老何，忍將松墨己身磨，承歡菽水豈嫌淡，有好兒孫不在多。

勸岳丈二首

到處逢人說不清，總因俗慮縛真誠；何如暗灑蒲團淚，哭動皇天降太平。

岳丈信天

我也悲懷欲度人，未能三月不違仁，剩餘一點凡夫意，怕入迷離染俗塵。

勸安貧

幾曾餓死修行人？密祖餐麻證五身；數典何須輪到我？古來賢聖大都貧。

### 金器苦

平時檢點怕垂涎，亂世無人肯出錢，劫後欣逢衙役買，憐妻難捨且拖延。

### 堪嘆

堪嘆世人癡，茫茫心外馳，此心能放下，歸後有餘師。

余閉關常寧禹憩山極樂禪林 有名王曰宣者來寺欲見求為師 余以禁口足 示以箋曰：  
「早已見過了也，不須更問如何，放得心下，且回頭去，這裡了無師相可著。」王便  
歸去。

### 答黎澤山問行住坐臥

自是君心疑難多，無端向我問如何，平常行住平常坐，本地風光欠甚麼？

### 勉某君

警策無常猛著鞭，見賢不及思齊焉；老來應向官場悔，未肯黃金贖少年。

### 騫直去勗劉月裳居士

風盡荒村對綺霞，青嵐一帶趁溪斜；會須騫直跳過去，莫認途中是到家。

### 勸洪濟舟內舅隨我岩居

那許俗人日日纏，老來寸晷勝金錢，岩居總比家居好，一日清閑一日仙。

### 答內舅問壽年

愛道如公抱逸志，岩居爲我翻多事，此來兼問壽如何，恰似賢人七十二。

### 勗兒

莫爲功名苦折腰，浮漚乍起忽然消，秦皇漢武今何在？陸墓長楸屬野樵。

### 心喪二首

一自真誠通幻境，兩行熱淚哭心喪，輪回不屬閻羅事，卻是無明自主張。  
輪回識破也尋常，慧日相隨自在光，劍樹刀山容易了，可憐最是此心喪。

### 勸內

勤修阿字證真心，悟到無生破五陰，苦口勸卿卿記取，愛卿惟此是情深。

### 自掘墳

就本行將有幾分，癡心猶是亂紛紛，名韁利縛何時了？大似將身自掘墳！

### 勸妻戒怒罵

是好兒孫解作人，何須嗃嗃費精神？病軀只怕常傷氣，靜養太和保此身。

### 勸人學佛未遂感而賦此

斜風細雨籠江樓，閒煞蘆汀點點鷗，舟子苦呼人不渡，船頭臥倒一天愁。

辛巳鑪霍關中得內子寄影甚瘦吟此慰之

荆釵藜藿好安貧，瘦骨堪撐自在身，記否常言字字淚？皇天不負苦心人。

鑪霍中秋夜懷內子

莫將碧落分胡越，萬里一心共此月，平等光明無礙中，我持鈴杵卿持鉞。

儒生

皓首窮經故紙堆，魯魚亥豕校奇才，回頭領悟孔顏樂，卻自簞瓢飲水來。

聞某翁將出離感賦一絕

世路曲如腸，吾心直似槍，幾人能撒手？空谷泣斜陽。

樂山關中日暮懷同學

平分石佛半邊磷，澗竹爲牆月作鄰，日暮嘉州生怕望，隔江燈火有忙人。

### 秋日懷首都諸同學

寥廓秋天怕遠思，卻看葉落半空姿，  
乘風那得長飛舞，不讓人窺落地時。

### 某君來函約共閉關

我處西天君處東，明年又約到茅蓬，  
自云身體還康健，豈是廬山少小童。  
匡廬相處共依師，八九人中一稚兒，  
當日笑余何太苦，如今自悔應嫌遲。

### 勸某翁二首

角遂商場豈大雄？光陰虛度道途中，  
勸君莫向街頭去，趁老勤修愛晚紅。  
俗事何庸日日纏？老來寸晷勝金錢，  
從茲莫向墟場去，修得一年算一年。

### 贈製紙花老夫婦

紙花人面兩相持，人面漸無花面姿，  
與伴人忙花事好，寧人閒煞賞花時。

妻臘底來書愁及春荒賦此慰之

憂煎臘月怕春荒，蹙頰難添半粒糧，假令臨饑偏得助，笑顏何補早愁腸？

勸某少年及早學佛

休怪老生嘖有辭，他時荏苒也將之，迷時但覺年猶少，醒後方知發軔遲。

慕龐

餘財盡棄大河中，生計惟編小竹籠，不嫁不婚禪悅滿，齊家幾箇學龐公！

西方好

淨土方爲極樂窩，一家誰不棄娑婆？到頭都說西方好，始悔從前煩惱多。

勸某青年趁早學佛

學佛原須趁少年，何當老去始參禪，知君世事猶難了，且與聊存翰墨緣。



## 冬深裸體行拳有感

大似投身馬戲團，挨鞭學得引人歡，縱然難信禪門好，也應憐兒犯苦寒。

## 勤人宜以時

棒喝而今幾箇知？一言難得正當時，婆心有淚且含蓄，水到渠成不費詞。

## 郵購丸藥違約加價付訖賦此贈之

姑憐晝夜費辛勤，提獎何妨贈與君，記得如來曾割體，也從有理讓三分。

## 勸甘茂林老人棄商專修五首

幾箇生來八十年？休將俗事再牽連！專心預備西方去，修得一天算一天。  
積來善事只生天，福盡依然謫下仙，大好專求觀自在，百年引上最高蓮。  
既無兒女遶身前，已算人間自在仙，收拾商場專念佛，老來何用博金錢？  
資糧早已積多年，寺廟香燈不斷燃，大好因緣莫錯去，一心只望西方蓮。

且將心事死前休，莫教臨終亂惹愁，一一家常吩咐好，蓮花送到便西遊。

### 重溫淨土宗昔賢勸世文

看透婆心落筆先，誓將苦海一身填，可憐過目人千萬，幾箇躬行報昔賢。

### 勸某君兼修淨土

三十歲前只解狂，毗盧頂上唾空王，于今卻恐歸途遠，萬國迢迢憶老娘。

### 某君來函自言鬼混賦此勉之

鬼混何期已自知，竿頭百尺再深思，英雄不落尋常套，會有沈舟破釜時。

### 勸某勿妄冀湯鑊中行

危巢高處不能攀，湯鑊中行豈等閒，不把身心空得透，難從妙有慶生還。

### 勸某老勿用事印

火裏紅蓮湯鑊身，到家方具此精神，投其所好先推許，豈是酬恩直諒人。

### 勸某尼勿閒談空過

北社東鄰散亂緣，談談坐坐又終天，蒲團冷卻香煙斷，如此消磨一百年。

### 假出離心

偶然觸事發牢騷，種菊存心學晉陶，幾度因循人老矣，何曾似鹿負傷逃。

### 讀《聖經·路加十一章十節》

祈禱豈無憑，叩門必有應，慈航雖普渡，苦者每先登。

### 讀《聖經·哥林多前書十章十節》

試探宜有魔，看汝心如何？但令君堪忍，何嘗力太過？

### 勸印度加城僑胞信佛

自力辛勤喜飽溫，終身活計在皮園，當知睡後誰無夢，肉體燒完別有魂。  
經營萬貫已纏身，勤則不窮罔顧神，卻是臨終無主宰，靈魂未得渡迷津。  
試想酒囊飯袋外，寧無不死大精神？只求糟粕謀衣食，未顯潛能枉作人！  
活計皮園仰賴牛，荷犁耕雨累多秋，工夫未得超三界，難保畜身果不酬。  
回陽記得說陰曹，何待自身走一遭，試撇油鹽柴米外，好將心性自薰陶。  
輪回六道不由神，善惡操持在本人，試想庖廚屠殺債，何能報應不臨身？  
因衣殺戮成千鼠，護食犧牲幾萬蟲，死後餘財將不去，閻羅冊上罪難空。  
生前不信有神明，死見閻羅暗自驚，劍樹刀山難躲避，那時半點不饒情。  
人間犯法有刑期，死去陰曹也可知，孰謂因緣無果報？親嘗苦味已嫌遲。  
古來文武諸賢豪，宗教信心有守操，未必前人皆蠢漢，東坡宿世屬僧曹。  
僑胞有信在關公，未識關公意所崇，發誓扶持三寶法，伽藍自古有威風。  
佛性明珠已早忘，惟圖屍體一生忙，如來藏裏智悲力，未解弘開作道場。  
佛課煩君半刻鐘，且將佛性與神通，空談娛樂曾虛度，好事何愁少日工。

麻將宴會鬧通宵，電影親朋次第邀，纔說無時行佛事，野餐又約上山腰。  
含飴弄子有時間，飲酒抽煙也得閒，佛事終難分片刻，紅霞一過日啣山！  
偶因皮臭起悲心，革履完成願望深，步步蓮花行實地，人人直達涅槃林。  
萬千功德顯神通，三世橫超力更雄，薄彼天王猶不作，何當再墮到人中。  
等視牛皮是法身，剪裁緣起履常春，貫穿針線三摩地，日用禪心在一真。  
無分境遇是如何，個個皆能念佛陀，常課五分鐘便滿，因緣簡易積功多。  
今朝勸化寫詩歌，記得公墳念佛陀，幾個生前能信受，東風一陣耳邊過。  
一九四七年到加城候簽證，走訪華僑各公墓，為念佛修頗瓦。一九七二年來美候關房  
之建築，亦走訪舊金山等各公墓，一一為修往生法。死人得閒，較之勸化生人似為易  
也。

悲心獨運轉如無，寂寞禪修雪山孤，單戀終難成法侶，同時啐啄出新雛。

### 勸熊福英女居士多念佛，不必為余募款

好事無邊做不窮，老來直立持名功，且將余事交天管，次第檀施總不空。

## 破虛名

譬如馬頸繫銅鈴，入耳生煩豈愛聽，世俗虛名何所補？允宜習定潤心靈。

## 勸慰西藏難民

飄流佛國勝家鄉，生活艱難人未亡，假令當年逃不出，久經勞改已夭殤。

## 良田

未逢菩薩再來緣，應有天生法器傳，泛泛宏揚流佈廣，寧無一處是良田？

## 拔刺

勸君休拔他人刺，罵爾狼心不可辭，我也常遭如此報，恨難燒盡已刊詩。

## 隨喜

冷水橫參沸水中，居然滾滾也相同，勸君銷盡妒人恨，隨喜功深也大雄。

## 勸專心念佛

看他赴宰牽牛羊，步步行將到肉坊，綿密工夫如此索，一心帶我到西方。  
最嫌歧路又亡羊，老去蹉跎無下場，隨業相牽何處去？牛頭起解閻羅王。  
猶談拙火鬧紛紛，就木誰知已七分！未肯綿綿勸念佛，此心必有老魔軍。  
西方不向更無橋，死路惟存此一條，業重行人偏不信，閻羅冊上未勾銷。  
法華未散憶前賢，智者臨終佳話傳，古德同聲齊讚嘆，史書難斷往生篇。

## 勸出離

豈宜虛受佈施錢，魚雁時通結法緣，苦口婆心唯一語：萬般莫若出離先。

## 朋友數，斯疏矣

朋友數言日見疏，酬恩且向佛前噓，素餐莫若挨饑好，無盡山川其捨諸。

## 勸精進

時哉萬事當爭先，早起三朝當一天，不讓睡魔留半世，雞鳴便舞著長鞭。

### 轉贈《藏經》於給孤園華僧佛寺

苦口不辭正直言，勸人捐贈給孤園，藏經一部教誰看？聊報佛陀說法恩。

### 勸不宜太數

友直名言見四書，又云數數惹人疏，多年受惠宜忠告，愧我愚癡未免除。



# 玉臺類

未具中觀正見、  
未修三灌密法者，  
請勿過目。

## 玉臺類

（未具中觀正見、未修三灌密法者，請勿過目。）

### 杵

杵端惟有此龜頭，蓮瓣緊含似有鉤，上下騰挪能發樂，明空契合碧天秋。

### 即事

血虛只愛零星睡，杵弱多承吻抱恩，老去甘心離取舍，時來滿願有溫存。

### 觀本尊大自在天杵有感

所繪尊容幢最高，權威大勢極堅牢，安能聽任瑜伽士，海會無由供幾篙。

### 大樂定功

定功豈等閒，杵似須彌山，一舉通三世，空行最得歡。

### 神鳥變化女身密供二首

出離方得沐恩光，佛祖慈悲澤被長，具種鄰姑陪密供，神鳥轉世近壇場。  
既是花容大半開，又聞清香似玫瑰，十三荳蔻年華妙，況奪先標占早魁。

### 小杵

小杵堅強似大雄，有時衰退若龜公，桃花縱喜春風好，百代朝廷有替隆。

### 母女互觀

親娘少小似村姑，老去村姑反不符，顛倒互觀成底事，明珠掌上豈常乎。

### 頑皮

新陳代謝有何疑，順應天然最便宜，一點童心無法老，時依少女學頑皮。

## 蓮宮

過乾恰似劍初磨，濕則何如渡大河，惟是欲乾還濕好，無弦合譜春王歌。  
註：過乾者內納香蕉少許，見拙著《光明法藏》。

### 臀宜中聳旁削二首

兩臀旁開縱甚肥，死尸橫臥不當機，法輪未識如何轉，苦煞金剛數立威。  
兩臀惟從中部高，騰挪自在奏功勞，蓮花緊抱金剛轉，不用抽添定在篙。

### 脈與脈相含

當其二脈相含時，玉女猛搖似犬雌，大樂酥融床上滾，杵蓮纏緊不能離。

### 女子入座宜靠依後方

一雙玉膝不開張，就座將身靠後方，如此妙蓮能緊閉，常存暖氣抱金剛。

## 步伐宜平行不宜八字

八字難如人字強，平行二字不須詳，端緣步伐能牽動，人字收蓮八字張。

## 年華

年華最好十三餘，杜牧嘉言理不虛，玉質天生花半放，新鮮供養契真如。

## 可遇以緣

何須柳巷上青樓，密記雖逢未必投，一觸秋波心得定，明妃可遇不須謀。

## 延長海螺脈法

先從蓮外供諸方，次叩肛門禮守娘，博得群妃歡樂后，海螺奇脈自延長。

## 隨方驗脈

密脈海螺各異方，試探先可向中央，宜知倒鳳顛鸞意，只爲交纏二脈香。

杵短官單插二首

記得尸林父母恩，降魔以後示陰門，蓮師示範如騰馬，始識單騎抵水源。  
斜騎單腿杵身長，暑往寒來換一方，空出會陰蓮下掛，金剛遂覺更昂藏。

足小蓮肥二首

小足爭圖三寸蓮，箇中密意有誰詮，端緣踵步向前挺，遂令蓮肥腰也堅。  
小足於今已不存，時髦代替是高跟，螂腰緩擺身前挺，細小蓮生歡喜禪。

自況

氣功釀取三春暖，手印拋開十界貪，剩有童心常喝佛，更無婆子再燒庵。

幽嘿

家庭豈可常歌頌，幽嘿也能呈妙用，常責小兒不斯文，自嫌挺進太粗重。

年華

朵頤既瘦便無花，秋水深沈更可嗟，寄語行人須趁早，十三嬈嬈妙年華。

帶花

兵士受傷號帶花，此中幽嘿也堪誇，有誰正寢橫尸者，未被嬌妻所害耶。

註：三湘兵士以受傷號帶花。

同參

萬里因緣一線牽，居然會晤有良緣，從今莫讓魔中斷，與我同參歡喜禪。

即事

自喜全無執著心，隨緣遇合不追尋，鄰姑昨夜求雙蓮，萬里今朝報好音。

妙供

供養常求物候鮮，羸來少女似春妍，妙齡二七開情竇，好箇蓓蕾供佛先。

### 村姑

杜門孤處已多年，早是橫撐獨木船，卻有山姑天送到，誠心自請學參禪。

### 紀天送空行

未到先從天語知，祥光布滿正來時，雙修大樂成空后，皓月圓明體內持。

### 紀龍送空行

龍王預告星期三，饒有宿緣不用探，一見街頭如舊雨，芳名未報地天含。

### 護法化女供養

飯烏經歷廿餘年，轉化人身又結緣，誰識鄰家賢淑女，垂髫解供未開蓮。

烏鴉為四臂大黑天化身，鄰女又為烏鴉投生近前供養。



## 觀花

老來房事似觀花，審美聞香便到家，笑帶深渦脣上吻，一篇詩意勝禪茶。

## 金釵

婦人頭上插金釵，不是莊嚴過玉階，偶遇狂夫精不止，會陰一攢命無乖。

敝友北平張伯烈成都傅真吾皆死於婦人腹上。

此等事允宜教誡中年婦女。密而不宣。亦何益哉？

## 風流預告

風流半月有良緣，且喜天龍預報先，不用尋花勤問柳，天然會合少糾纏。

## 聞脂粉香

中夜忽聞脂粉香，空行誓句未曾忘，湛然定裡常親近，分我山居好月光。

## 智悲光

激發潛能智慧光，蓮宮直射樂無央，幾多村女瞥然見，奇癢自搔難隱藏。

## 優婆夷器

空中極樂是蓮房，一任抽添達四方，漫說優婆夷器小，如來法界總歸藏。

## 難得糊塗

從吾玩耍是村姑，豈用高深學理乎！一段和光無隔礙，古人難得此糊塗。

## 贊密勒師見魔現九陰穴彼乃變化九陽以破之

追懷古德九陽山，屢敗魔軍度此關，未敢修貪自了漢，只能棄鎧曳兵還。

## 供花

終年供養事如麻，大麗收場供菊花，縱有資糧圓滿日，何妨坐享空行家。

天女

散花天女去來頻，好夢高唐幾度春，法樂充盈禪若醉，寂寥不屬閉關人。

乳感無常

少小空期見乳房，十三兩乳喜深藏，長來卻恨垂垂下，怕過瓜棚望夕陽。

髮

頻添幾許美人姿，只爲生來軟若絲，花樣新翻人已醉，數根散亂更相思。

女子拜

記得達摩啓祖風，惟推女子拜爲雄，如今空樂無人識，盡付村姑笑話中。

情種

情種難存平等心，抑揚頓挫似彈琴，翻因愛重羞尤重，只爲情深恨更深。

高跟鞋參看本類足小蓮肥兩首

高跟鞋底有奇方，說破教人心若狂，腿向前趨腰向后，小溪兩岸似高崗。

答村姑問我年齡何不老

少時吾女長時妻，老至吾娘不用題，若問吾身何不老，無生國裡三時齊。

紅豆

紅豆何期早剖開，時偕姊妹悄然來，含羞且自多推就，卻勸同行弄幾回。

丹麥女來

夢中曾見小蜻蜓，點到禪床又飄零，今日欣逢丹麥女，居然大似水中萍。

圓伊三點裝

浴罷梳風髮也狂，平沙坦臥小孤艙，諸天作合時宜早，莫負圓伊三點裝。

## 空喜歡

又是一場空喜歡，笑談惟隔小窗欄，依稀悵望江心月，擁抱難期天地寬。

## 道家鑄劍之物

收來放縱喜椒薑，卑濕花岩出處強，藥物安排循妙理，雙梅影閣記蛇床。

註：椒能收，密法中亦用以塗蓮令收縮。薑能發散除寒濕。蛇床洗杵能除濕并令強大，

載葉德輝著《雙梅影閣》

## 道家敲竹之法

子夜陽生翠竹高，彈敲用力不徒勞，血潮直湧能常舉，慧劍堪攻寶點牢。

## 女子宜坐滿凳與上面女子入座同參

滿座春風喜祕藏，蓮花小蕾最含芳，半邊依凳常開跨，氣洩神疲枉大方。

## 蓮不能獨大

眼鼻諸門總不寬，櫻脣撮合最爲難，欲探千古迷人處，各竅類推便可觀。

## 鞦韆妙用

古人何故設鞦韆，肌肉豐盈長妙蓮，向上高騰能得力，無須顛倒亂坤乾。

## 及時行樂

頤朵圓彰可吻時，小峯初起直探之，搔蓮止癢宜乘勢，臀部肥張已太遲。

## 和須

這邊悟了那邊修，小器居然具大猷，一自華嚴標舉後，萬千童子慕和須。

## 紀空樂三首

喚我何人聲最揚，從窗射入硨磲光，空行降駕非常事，雙運樂空定未央。

金剛得伴力尤充，寶杵完成不倒翁，徹夜蓮宮多醉意，圓明月色現身中。  
鷗翔馬躍勢多遷，只爲蓮宮脈未聯，一旦相纏人自醉，對方無力似酥綿。

### 記壇城聖地女滾促密脈正中

何期聖脈正當中，緊抱金剛薩埵胸，不用抽添伊自醉，神迷目閉契真空。

### 記木雅勝樂山名勝及刹土女

寂寞高山有異痕，石頭深印女男根，小姑具種寺旁住，預告蒙師有宿恩。

### 自喜

自喜常存本性真，此心猶有少年春，雖然俗事居塵後，卻是村姑初戀人。

### 與西方女居士通信

通信怕逢是米斯，幾方懸揣最相思，奧明佛土蓮花女，示跡人間或遇之。

某女居士爲四臂大黑天護法所轉女身助我密供

情竇如今喜早開，鄰姑九歲似新梅，卻能領納春風意，無染蓮花供幾回。

桃運

何期老運屬桃花，四處空行降我家，幾度和風開荳蔻，化身鄰女是烏鴉。

姊妹三昧

紅豆居然早已開，時偕姊妹叩關來，含羞各自呈推就，互勸同行弄幾回。

曬杵

卑濕岩中慣往來，深藏密處不公開，山樓且對南窗臥，紅杏出牆曬幾回。

註：陽光具維他命丁能助其舉勢

夢遊醉鳳樓



美人隊裡夢同遊，約我參觀醉鳳樓，無奈半途人已醒，略存回味在心頭。

## 杵堅

雄姿未肯強低頭，紅潤寶光似冕旒，深淺抽添常自在，蓮花世界喜遨遊。

## 收陽

活子還如正子時，深宵坐起反收之，馬陰藏相明空定，不許回春向外馳。

## 女子宜多打鞦韆

男兒只合放飛鳶，仰首朝天肺部圓，女子蓮花宜飽滿，鞦韆頓足打鞦韆。

註：新式秋千下用搖籃，不得古人運動本旨。

## 轉妙法輪

密處融成軸上春，不容死水尸橫陳，吻脣抱頸鉤雙足，互動恍如轉法輪。

註：行時二者身之上下形成法輪之軸，二者密處中心轉動時上下互動左右搖擺謂之轉

妙  
法  
輪  
。

何須從墨貴松煙為得人  
閒到處傳道是空題石  
畫惟長紙短未終篇

呂宋處士自選

## 題詞類

### 題日本發行之《原色圖鑑》

黑白分明早表彰，又從原色放真光，何時更奪天工巧，攝得幽蘭滿谷香？

### 題拙著《護摩集》

生活過程幾本書，非同摸象說真如，讀來都是修行譜，字裏行間看太虛。

### 題《寂寞的春天》

悔過書傳科學家，天然對治本無差，庸人自擾何時止，忍見春回不著花？

### 題貴州白石崖噴泉畫片

亂石環堆也自諧，清流沖起壯幽懷，噴泉不愛人工造，惟喜貴州白石崖。

### 題花卉原色照片畫集二首

攝影留聲皆已然，芬芳卻未見流傳，每翻書譜常遺憾，恨不移香透此篇。  
新鮮一若在山隅，彩色何須筆上敷，畫裏相逢難得問，此花究竟有香無？

### 題《澳洲名勝》畫冊

誰人可買幾重山？爭似眸開畫幅間，攝得澳洲名勝景，煙霞峻嶺入禪關。

### 題山水彩色照相畫集

五寸畫圖半頁書，蒼天側影貼清渠，幽棲掩映松林裏，滿擬投身入此居。

### 題仙人掌彩色照片集二首

遲開未肯仗春風，不與沾泥照水同，漫說全身針可厭，好花都出在其中。  
安得好花日日開，不因風雨有時摧，彩照編成春不老，案頭常見玉人來。

題《原色圖鑑熱帶魚》

貯水不深安得歡？小缸纔有尺多寬，畫圖不見金魚死，此後惟從畫裏觀。

題群芳畫集

禪房卻有滿園花，天下群芳會一家，不用栽培常供佛，無生玉影自橫斜。

題《蝶世界》畫冊

何分蛺蝶與莊周？齊物猶嫌寡大猷，羨汝花間充月老，色空體上五光浮。

題裸體照片集

世上難逢坦白人，聊從裸體見天真，愚氓但愛豐盈處，未識明空不老春。

題《進化論》畫集

進化何嘗屬一元？公私二業各分存，直須研究人成佛，幾種栽培在覺園。

題《玫瑰世界》

難期玉影帶香來，卻向書中耐久開，小刺無傷觀者手，名園任意可徘徊。

題《野生花集》

記得幽蘭遠處香，深山策杖獨尋芳，水邊沙漠多奇種，一譜居然盡保藏。

題《祖國風光》照片集

也曾身歷此中行，就影回思更動情，走馬昔年忙裏躡，爭如暇日看分明。

題《世界畫集》

不須浪費草鞋錢，踏遍寰球一味禪，四度空間三世眼，景光無盡未終篇。

極頂松林缺坐巖中帆江月  
獨推叶綠透碧天龍遠  
景靜浮淨水載禪詩

普宏居士自跋



## 其他類

### 憶稿

禪餘間有賞心辭，妙手偶然一得之，未及災梨先著火，一回憶稿一吁噓。

### 送張府二小姐赴德留學二首

重洋進取好從師，自此離親篤孝思，料得錦標騰譽日，難忘隨母入廚時。  
老眼何堪哭數回，叮囑一度一悲哀，小兒未解別離苦，頻喚阿爺車欲開。

### 即日

柳岸尋詩策杖行，煙波蕩漾曉風輕，看來小艇搖閒散，那得江湖潦倒情。

### 題北天竺噶倫埠山城畫幅

輕染淺藍便是天，鱗鱗萬瓦筆端全，等閒描盡山城鬧，畫幅收來一小箋。

### 即景

極項松林跌坐罷，半帆江月獨搖時，涼透碧天籠遠景，靜浮清水載禪詩。

### 絕句

一觸禪機便吐辭，獨推絕句是真詩，看他龐大濃裝婦，爭似娥眉淡掃姿。

### 信口占

觸得機來信口占，高歌暫得自心甜，惟圖口味家鄉好，那管洛陽紙貴廉。

### 憶舊作

得機乘興偶爲歌，一遇欣然轉眼過，往事重題驚舊稿，還從老友問回多。

### 辛卯元旦發筆

去年何似今年紅，煞費園丁灌溉功，卻是今年紅更好，桃花自解笑春風。

### 辛卯元旦氣象萬變

今年元旦是花天，雷雨艷陽寫妙篇，最愛天公空得好，看來活現祖師禪。

### 《禪海塔燈》著稿

雪嶺孤居又一秋，晚涼天氣月如鉤，蒲團撇下無餘事，料簡禪家舊話頭。

### 文老賜玉照坐園林石几旁喜賦此絕

美景桑榆看幾回，水邊林下又逢梅，何時石几圍棋罷，分我白蘭地一杯？

### 詩癖

筆墨磨人債若山，藝林倦鳥早知還，懶將朱粉描西子，獨許詩禪分我閒。  
不是藝林偏愛詩，世人幾個許相知？無窮心事憑君訴，危坐孤峰夜雨時。

## 別船山高農畢業生

兩載因緣究若何，豈同兒女唱驪歌？羹牆果許常見，喚作別離得也麼？

## 敬題族祖夢元公泰山侍讀圖

展圖拜祖慕良緣，梧院秋風詩一篇，何幸知音能早遇，至今佳話響青天。

## 沽酒

趁晴沽酒杏花村，今笑百花愛早暄，駐日何當如古德，人花共醉不黃昏。

古德畢哇巴祖師能駐日，詳見拙著《塔鬘集》。

## 詩禪四首

非人被墨苦相磨，安樂詩禪在一窩，昨夜夢魂猶得見，深岩密祖支頤歌。  
八叉七步已嫌多，何用撚鬚苦琢磨？機未熟時渾不管，禪聲脫口便成歌。  
笑煞古人反覓詩，吾詩倏爾自呈姿，心如白紙閑閑放，觸目禪機解寫詞。

偶觸禪機情得句，翻來韻譜句生情，此心不肯爲詩役，且役吾詩寫至誠。

### 遊山二首

興在松林與水邊，趁晴騎馬上山巔，鞭韁放下輕鬆去，一路蹄參花下禪。  
鞭影不搖馬自還，暮禪踏落日銜山，奔騰縱令拋身下，只在閒花野草間。

### 題《近譬集》

愧我支離骨與皮，搜來近譬不標奇，心心但願人都好，語語曾經自遣疑。

### 題傳統先《哲學與人生》

補屋且牽蘿，高寒未敢窠，敷陳相似理，遷就苦娑婆。

### 代某答其夫囑勿畏犬

自汝離家庭已蕪，登樓獨望霧模糊，此來相見非防犬，心急行遲故早呼。

## 時裝

閒窺少女學時裝，自顧微嫌未妥當，無盡涅槃安樂處，悄然喪失在羅裳！

## 題英文《十萬笑林集》

塵勞一笑空，小品樂融融，幽默無邊趣，三言兩語中。

## 熱水壺外層破裂

達觀成敗絕吁歎，壺破外層未盡非，拂曉新茶當午冷，愛他冷暖契時機。

## 賽球

冒雨球場各逞雄，山城罷市鳥騰空，驚天喝采聲殊急，吹到茅蓬淡淡風。

## 恒河放金魚

不見恒河沙數佛，恒河依舊水含沙，生靈自有洋洋態，且看金魚返老家。

## 放鴿

本性平和絕殺機，逢君正好念三皈；明知又落人家去，且喜現前放汝飛。

## 壬辰元旦發筆

造化好還運不窮，年年臘去又春風，相期修得童顏轉，人面桃花一樣紅。

## 壬辰元旦恭賀馮師新釐

如許恩光長養中，春風帝網幾重紅，妙明美景花深處，欲學蜂兒飛向東。

## 就寢二首

話頭看破不參禪，且結昏沈睡夢緣，夜雨蕉窗傳細韻，徐徐送我入深眠。  
斷續溪聲斷續痴，風搖竹韻催眠詩，短籬花落已多少？睡後人兒總不知。

## 黃昏聞女教堂歌聲

集唱教堂讚美詩，村姑也得寄相思，黃昏無限低徊處，正是歌聲宛轉時。

### 老農小憩

坐對南山兩泰然，收成豐畷付青天，樸淳心地無多事，田岸小休一口煙。

### 問某青年曾讀何書

不堪生計理鹽魚，愛向青年諮五車，相問山中無俗語，別來曾讀那朝書？

### 寫《成佛之道》資料

只因末法更堪憐，道次循循寫後先，課冗經從零碎讀，時逢註腳入吾篇。

### 昔被誣爲共黨，今世變家人以此抵當

風味昔年倚鐵窗，塞翁早已話滄桑，當時大眾呼冤屈，世變於今卻抵當。

### 耳室憶則老



窗窄霧來少，屋低寒易消，敲詩人未至，枯坐又終朝。

射彩節印俗此節，老少爭相射紅水于身，以為歡焉。

射彩沿奇節，騰歡老少同，杜門原不曉，僕面帶來紅。

### 即事

嶺北小姑爲送茶，西鄰老友替當家，拚關休說全無事，遞信兒童趁晚霞。

### 癸巳新釐

一團和氣蘊心田，參透輕安暖位禪，四季關中春自在，也隨風俗賀新年。

### 聞某已登額非爾士高峰有感三首

八年坎坷無人問，一到山巔天下知，小事登高猶若此，道長任重敢疑遲？  
曾登世界最高山，四海紛傳爵位頒，未識宗師神足力，不行而到彈指間。  
飛過九阜唯算鶴，頓超三界是真人，峰頭曾見人間小，何用浮名絆此身？

## 王婆來

逃禪脫俗已雙忘，放曠隨緣絕主張，閒煞煙霞無一事，王婆到此話家常。  
則老畜犬老益肥

天眼洞然見細微，凡愚幾個不相違？迂迴世路人都瘦，長厚家風犬也肥。

## 甲午元旦

西竺揜關又一年，何時轉入世間禪？春風有意來催促，故遣桃花笑我前。

## 詩評

惟論句佳不論人，偶從妙手得其真，吟壇誰敢長占領？法爾詩禪代代新。

## 觀修路有感二首

粗石築基細石舖，層層膠固黑油敷，菩提大道超天路，卻許離修便到乎？

未證真空當依此解。

何處超天別有梯，空行不假半跬泥，蒲團遍住無邊定，那待人工築小蹊。  
已證依此。

### 燈油將盡有感

只因如法修無常，不向當來作主張，今日有油今日供，明朝油盡供心香。

### 星期日

耶教賜與世間恩，飲水當思謝水源，未肯忙人胡亂去，每周休息一長天。

孤雁出群。

### 西竺送神倒抬而行與送者相對

西竺送神慣倒抬，此中含意實堪哀，雲程仍舊常相顧，惟恐世人喚不回。

### 散閒人

案頭稿本積如鱗，纔下青氈又鍊身，私廟孤僧勤打點，虛名卻喚散閒人。

### 邪說

邪說標新謀，盜名施利鉤，幾人成霸業，不借少年頭？

### 鬧鐘喚我入丑時定

纔過黑甜萬事賒，韶光暗度月輪斜，鐘聲喚我更闌定，鬧散高唐夢裏花。

### 躬行

口耳之間四寸餘，安能仗此契真如？多番厚胃寬腸化，步履行來盡是書。

### 比屋鄰

一箇不如一箇親，兩年新換幾多鄰，自欣有量能遷就，等視薰蕕滿面春。

### 小店

幾箇麻囊作頂蓬，數根新竹倚衙衙，也成小店謀生活，未肯隨人入匪叢。

### 和廖卓老原韻

飯罷弄孫歌幾章，心清夢穩最安詳，桑榆付與天排定，老去惟因佛事忙。

### 贈佛茶

六載關中供佛茶，香薰神鑒伴燈花，法光遍照隨心轉，甘露分回信士家。

### 喜得梓行《塔鬘集》消息于印度燈節中

傍晚得書喜氣揚，家家慶祝正歡狂，何期先兆恰安好，萬盞燈排塔鬘光。

### 乙未元旦

常年一樣又春風，到處桃花笑靨紅，古德由來多一悟，與君閒過莫雷同。

### 乙未元旦丑時聞爆竹聲

且喜吉星自遇之，山深皇曆帶來遲，誰家爆竹驚余醒？應是出行宜丑時。

### 丙申元旦口占二首

城上已吹新畫角，龕前猶點隔年燈，逢人也話春光好，懶做超時了事僧。  
曾約春神不詠桃，年年現話老風騷，今朝若讓春偷渡，卻有村姑送小苞。

### 噶偷埠五方雜處各度新年

八月開端直到冬，新年習俗各相從，豈猶偏愛家鄉事？但覺春情自此濃。

### 設身處地論推敲二首

敲之彷彿候人來，推字顯然急欲開，史話千秋輪到我，閒僧自處誦多回。  
豈有閒僧夜裏忙？推敲幾度費端詳，優遊興致如親見，月下徘徊也不妨。

### 童心詩句

田園閨閣幾多辭，晉有陶潛唐牧之，懶步禪腔空棒喝，童心擺脫昔賢詩。

## 懶字

平生自幸尚能勤，懶字時從詩裏聞，點滴何曾嘗酒味，行間醉意漱香芬。

## 中西客筵殊風

中國酒筵一桌圓，由來禮讓是爭先，西方膳具如兵器，只許庖丁次第傳。

## 科學家近亦發現植物有感覺

賢人不肯近庖廚，安得全然素食乎？植物何嘗無感覺，誰遷綠圃遠紅爐？

## 破伏案作詩

伏案成詩是俗人，何曾定裏養精神？禪機觸處呈詩意，不用尋思信口陳。

## 印度人習慣五首各標小題

### 偏頭而不點頭

西竺點頭不向前，兩邊隨選一邊偏，目光難捨交談者，秋水凝神意欲圓。

### 交抱唯恐不緊

久別相逢緊抱身，全軀貼切最相親，熱誠充滿終難捨，恨不兩人成一人。

### 天衣本不須縫

官員樸素等貧農，白布遮身也禦冬，昔讀天衣難想像，而今始見本無縫。

### 官民大都茹素

從來不見一人肥，有若首陽食蕨薇，不是出家長戒肉，古風無殺不曾違。

### 平民多念無常

生來天性念無常，未肯因財操作忙，僑客工資多兩倍，土民只顧一朝糧。



## 爭先

我固毋勞人等我，也難遷就等他人，好事爭先圖自勉，見人推諉豈能仁？

## 天衣無縫

頭上作冠身上衣，羅裙下邊兩三圍，看來一幅無縫布，免卻麻煩計豈非？

## 半虛

半虛半實味無窮，莫把歌詞當史攻，自愧微軀難飲酒，卻邀醉字到詩中。

## 誰家嫁女

誰家嫁女趁初春，昨夜播音鬧到晨，瞥見花轎原熟識，前村少一送花人。

## 詩禪四首

雙管齊生夢裏花，自然機感到禪家，何勞戶外推敲月，脫口天成便可嘉。

有思焉可得無邪？境界天然本一家，飛雲變化青天裏，詩在長空禪在霞。  
何須運想九霄遐，但喜禪功早到家，妙手還歸空性好，自然拈出是無邪。  
悠然吐出是南山，饒有境隨心意閒，莫向陶潛求妙句，當從白菊透三關。



南無護法韋陀菩薩聖像